



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt VI.

urn:nbn:de:hbz:466:1-11453

tinga, Embica, Northem, Honouer. Tum primū Brunswicenses sacramēta praeſtitere Wilhelmo poſt Wilhelmum patrem. Eodē quoquē tempore conſtituit Erneſtus archiepiſcopus Magdeburgenſis, cū arma ſuorum militariū atq; vrbium cum bellicis apparatibus in expedito teneret, oppugnare arcem Weueling. Intercepere rem principes Brunſwicenſes, Wilhelmus pater, & Henricus filius: Effectumq; eſt, vt qui inerat arcis praefectus, mox abiret, euacuans praſidium: Electus eſt vtrinq; comes de Stalberge, qui arcem ſeruaret, donē inter memoratos principes de cuiusque iure ſuper ea re ad plenum conueniret.

CAPVT VI.

MAximiliano Romanorum regi noua indiēs bella creſcebant in Flandria, cū grauarent Flandriae membra ad commune ararium conſtitutam pecuniam comportare. Reiecere omnes omnia in Gandauenſes populioſiores: qui & ſolerent, & poſſent eam cauſam potentius ſuſtinere: in qua vrbe reſponſum ſe duros ceteri aſſeuerabant. Rex praeuenire conſtituens orituram ſeditionem, Gandauum contendit, vt populum ſibi prepararet. Sed vbi intellexit iam auerſos ſibi illorum animos, contendit Bruxellas: Illic quoquē iam inueniens rem ſpectare ad tumultum, quia non niſi praſinito numero militum permiſſus eſt introire, redijt in Flandriam, iam magis atq; magis omnia ſibi comperiens aduerſa. Igitur contendit in Selandiam, vnde ſtatuto tempore reuerſus eſt Brugas audire reſponſa Flandrenſium in Maio, ſuper comportando arario. Quae cū non ſatis placita darentur, minas pro ſua conſuetudine intulere Alemani, animati, quod audirent res proſperè geri in Britannia, & quod rex Hiſpania maximam victoriam per-

peregisset in Granatam, nostri temporis rem omnium clavis-
 simam: Decennio fertur continuato laborasse rex in
 eo regno, & urbibus eius, nouissime in vrbe omnium pri-
 maria Granata expugnanda. Interim Romanorum regi
 inter multa prospera quadam se immiscuere aduersa: au-
 diuit enim captum à Francis oppidum sancti Audomari fur-
 to, cum nauiculis passim nocturno introirent, absconditi à
 fratribus sancti Bertini, donec multiplicati insurgerent.
 Vix pauci ex regijs elapsi, rempertulerunt, & ordinem
 gestorū exponant: quod male volentibus incolis, & ad
 Francos inclinantibus, superata sit illorum diligentia:
 nam ceteri, aut merfi, aut cæsi perierunt. Gadaui quoque
 commotio facta est ingressis exulibus, quos pridem pro-
 scripsere: sed paucis punitis, statim conquieuit, cum
 Gandauenses Romanorum regi se parituros ad omnia
 sponderet. Morini quoque custodes pro Maximiliano rege
 cum infestarentur, misere nuncios regi, nisi missis auxi-
 lijs roborarentur, importatis armis & comestibus, non se
 posse diu rem sustinere. Vtrunque illis permittitur. Rex è
 Selandia Teuremundam contendit: ubi facto conuentu ad
 consilium, audiuit de aduersis successibus Martini Ni-
 gri in Anglia: qui dum ipse misceret incendia, cæsus esset
 cum omnibus copijs quas haberet: Non enim satis ade-
 rant in expedito, qui fauores & arma pollicerentur pro
 filio ducis Clarentie: cum rex Anglie quadraginta mil-
 lium ducens exercitum, præsentis regis Romanorum He-
 raldo fertur dixisse post conflictum: Grates, inquit,
 debemus Romanorum regi, & magna ducisse Burgun-
 dia, quorum opera sit ea strages peracta, ostensis cali-
 gis eiusdem Martini, quas Margareta ducis Karoli re-
 licta, multis preciosis margaritis exornauisset. Mittitur
 alius Clarentie ducis filius captus in Calesiam, ut abesset
 cognatus

cognationi suae pro eo tumultuanti, qui alioqui videbantur omnino non quieturi.

CAPVT VII.

Circa Morinum per uigil cura fuit Hispanorum militum cuncta tueri. Franci, duce Philippo Desquordes, veteri Flandriae hoste, non solum hoc oppidum, sed cunctam Flandriam ope Anglorum, qui iam infesti erant regi Romanorum, (praesertim quod modernus Angliae rex Henricus VII. ex Francis ortus, ab illis non est passus diuidi: unde orta est illa difficultas permittendi Flandrijs inducias quas sperabant) sub leges mittere. Igitur maritima oppida Flandriae, Grauelingam, Dunkerken, Nouumportum iussit rex Romanorum diligentius asseruari: qui nauibus apparatus expectabant hostes: nam venientes excipere constituerunt: cum interim idem Philippus Desquordes, magno per Franciam parato exercitu, properabat Duacum, Insulam, Morinum, armis pulsare: Sed in alijs frustratus, in Morino prosperatur, deditibus se passim incolis, quod vim militum, qui inerant, sustinere haud possent: Itaque multis casis, atque captis, pauci euasere. Ad oppidum Betunea, quod in Arthesia rex Francia dedit domino de Penis, ad compensanda quae pro ipso amisit in Flandria, fraudem struxit Philippus: Nam literis adulterinis vocauit nobiles de Flandria, quasi traditurus eis oppidum: Illi credidere, armis iam ad sumendum in potestatem oppidum apparatus. Venerat constituta dies: Dux Geldriae Karolus iuuenis, qui tum primis in armis Romanorum regi militabat, Engelbertus de Nassau: Philippus de Rauenstein, magna stipati manu venerant, oppidum (ut sperabant) accepturi. Panduntur Francorum insidiae: sed tamen magnum praelium conferitur. Cadunt multi de Francia nobiles,